

VENDIM
Nr. 605, datë 11.9.2019

PËR NDRYSHIMIN E PËRGJEGJËSISË SË ADMINISTRIMIT, NGA MINISTRIA E MBROJTJES TEK AGJENCIA SHTETËRORE E KADASTRËS (ASHK) DHE TEK AGJENCIA E OFRIMIT TË SHËRBIMEVE PUBLIKE TË INTEGRUARA (ADISA), TË NJË PJESE TË PRONËS NR. 912, ME EMËRTIM “SHTËPIA E USHTARAKËVE”, ME VENDNDODHJE NË VLORË, DHE PËR NJË NDRYSHIM NË VENDIMIN NR. 515, DATË 18.7.2003, TË KËSHILLIT TË MINISTRAVE, “PËR MIRATIMIN E LISTËS SË INVENTARIT TË PRONAVE TË PALUAJTSHME SHTETËRORE, TË CILAT I KALOJNË NË PËRGJEGJËSI ADMINISTRIMI MINISTRISË SË MBROJTJES”, TË NDRYSHUAR

Në mbështetje të nenit 100 të Kushtetutës dhe të neneve 13 e 15, të ligjit nr. 8743, datë 22.2.2001 “Për pronat e paluajtshme të shtetit”, të ndryshuar, me propozimin e ministrit të Mbrojtjes, Këshilli i Ministrave

VENDOSI:

1. Ndryshimin e përgjegjësisë së administrimit të një pjese të pronës nr. 912, me emërtim “Shtëpia e Ushtarakëve”, me vendndodhje në Vlorë, nga Ministria e Mbrojtjes tek Agjencia e Shtetërore e Kadastrës (ASHK), përkatësisht, të një pjese të katit përdhes, me sipërfaqe 343 (treqind e dyzet e tre) m², të katit të parë dhe katit të dytë të godinës kryesore të kësaj prone, të objekteve “Garazh” dhe “Depo qymyri”, si dhe të truallit funksional, me sipërfaqe të përgjithshme prej 1 273 (një mijë e dyqind e shtatëdhjetë e tre) m², sipas planrilevimeve dhe planimetrive që i bashkëlidhen këtij vendimi dhe janë pjesë përbërëse të tij, për t’i përdorur për nevoja administrative, për vendosjen e administratës së drejtorisë së Agjencisë Shtetërore të Kadastrës, në Vlorë.

2. Ndryshimin e përgjegjësisë së administrimit, nga Ministria e Mbrojtjes tek Agjencia e Ofrimit të Shërbimeve Publike të Integruara (ADISA), të një pjese të katit përdhes të godinës kryesore të pronës nr. 912, me sipërfaqe 372 (treqind e shtatëdhjetë e dy) m², me emërtim “Shtëpia e Ushtarakëve”, me vendndodhje në Vlorë, sipas planimetrisë që i bashkëlidhet këtij vendimi dhe është pjesë përbërëse e tij, për ta përdorur për ngritjen e një qendre të integruar për ofrimin e shërbimeve publike në qytetin e Vlorës.

3. Në listën e inventarit të pronave të paluajtshme shtetërore, bashkëlidhur vendimit nr. 515, datë 18.7.2003, të Këshillit të Ministrave, “Për miratimin e listës së inventarit të pronave të paluajtshme shtetërore, të cilat i kalojnë në përgjegjësi administrimi Ministrisë së Mbrojtjes”, të ndryshuar, të hiqet pjesa e pronës nr. 912, me emërtim “Shtëpia e Ushtarakëve”, me sipërfaqe prej 1 273 (një mijë e dyqind e shtatëdhjetë e tre) m², së bashku me godinat që shtrihen mbi këtë truall funksional, sipas përcaktimeve në pikat 1 e 2, të këtij vendimi.

4. Agjencisë Shtetërore të Kadastrës (ASHK) dhe Agjencisë së Ofrimit të Shërbimeve Publike të Integruara (ADISA) u ndalohet të ndryshojnë destinacionin e përdorimit të pronës, përcaktuar në pikat 1 e 2, të këtij vendimi, ta tjetërsojnë ose t’ua japin atë në përdorim të tretëve.

5. Ngarkohen Ministria e Mbrojtjes, Agjencia Shtetërore e Kadastrës (ASHK) dhe Agjencia e Ofrimit të Shërbimeve Publike të Integruara (ADISA) për ndjekjen dhe zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTËR
Edi Rama



ARTÀ TREGUES E REG.INTERNET

ZVF:PP VLORE

REGISTRUES
REZART/ELMAZI

HARTOGRAF
Ing. *M. J.*

A. IDENTIFICATION: PASURISE

ZONA KADASTRALE 8605 NR. 1 PASURISE 50/17 VOL. 12 FAG. 88

INDEX SH. HARTES VL-6J-11 SHKALLA 1:500

ADAMS - B RAC 1336 Pict VLOR 12 Q1 VLOR 15
RAC RAC Sh K Ap

B. KUFELIWEY

V. 50/6

L. 53/1

J. 50/2

50/67 : 50/69 : 50/64


C. PRONARI

SHREY

S = 1673 ml.

SND = 795 mL

Date: 02/03/2017 VO: DIFFERENTIAL PART - DOCUMENT 52 M2



PLAN RILEVIMI

Prona nr.912 Shtëpia e Ushtrakëve Vlorë

MIRATOHET

DREJTORI I SH.Q. TË FA

Në mungesë

KRYETARI I DEGËS EKONOMIKE

ELIDA LEKA

ZV/DREJTORI I LIGJIT
Ark. Enea SINOIMERI

IDENTIFIKIMI I PASURISE

Zona Kadastrale 8605

Nr.Pasurise Vol. Fq

Indeksi i Hartes K-34-123-(160-B)

VL:GJ-11

Shkalla 1: 500

Adresa e pasurise L. "28 Nëntori", Vlorë


Q/F Vlorë

Pronari: Ministria e Mbrojtjes, Shtëpia Qëndrore e FA

Hartoi

Ernel MAÇI

019



Shpjegues:

Sip. e përgjithshme që kërkohen nga ASHK-ja = 1273 m²

Sip.e përgjithshme nën objekt = 797.5 m²

Shënim:

Kjo planvendosje u hartua në zbatim të shkresës së Shtëpisë Qendrore të FA nr. 59, datë 26.08.2019, sipas matjeve të kryera në terren në prani të përfaqësuesve të pronës z. Nimet LULI dhe të hedhur mbi HTR.

